

Broj: 01-49-2-1672/18

Datum: 02.07.2018.godine

## IZVJEŠTAJ

o radu Općinskog vijeća Tešanj za period 1.1. – 30.06.2018. godine

### UVODNI DIO

Članom 117. Poslovnika o radu OV-a utvrđeno je sljedeće:


1. Općinsko vijeće obavezno je putem nadležne službe izraditi šestomjesečni i godišnji izvještaj i isti nakon usvajanja na sjednici Općinskog vijeća objaviti.
2. Izvještaj iz prethodnog stava obavezno obuhvata:
  - a) broj donesenih odluka,
  - b) broj primljenih komentara za svaku odluku pojedinačno,
  - c) broj odluka koje su inicirali građani,
  - d) broj održanih javnih rasprava,
  - e) broj građana koji su prisustvovali javnim raspravama,
  - f) broj sprovedenih analiza ekonomske opravdanosti,
  - g) broj građana koji su prisustvovali sjednicama Vijeća i
  - h) prisustvo vijećnika sjednicama Vijeća.

Izvještaj o radu Općinskog vijeća Tešanj za period 1.1. – 30.06.2018. godine predviđen je u trećem kvartalu Programa rada za 2018. godinu.


### IZVJEŠTAJNI DIO

- a. Općinsko vijeće je donijelo 35 odluka, 2 rješenja i 42 zaključka,

Sagleda li se struktura tema i pitanja o kojima se vodila rasprava i donosili određeni zaključci u izvještajnom periodu najbrojnije su bili prijedlozi odluka i nacrti (35), inicijativa (15), informacija (18), rješenja (2), izvještaja (8).



U izvještajnom periodu Općinsko vijeće je nakon provedenih rasprava usvojilo ukupno 79 akata i to 35 odluka, 2 rješenja i 42 zaključka.



- b. Komentara na odluke koje je Vijeće donijelo – nije bilo.
- c. Općinsko vijeće je donijelo 20 akata koja su inicirali građani.
- d. Održane su 4 javne rasprave.
- e. Javnim raspravama je prisustvovalo 26 građana.
- f. Sjednicama Vijeća pored redovnih gostiju prisustvovalo 30 građana.
- g. Nije bilo odluka koje su zahtjevale posebnu ekonomsku opravdanost.
- h. Prisustvo vijećnika sjednicama Vijeća bilo je dobro, jer su svakoj sjednici Vijeća, od ukupno 25 vijećnika, u prosjeku prisustvovala 23 vijećnika, ili 92 %.

Na ukupno 6 održanih sjednica Vijeća u periodu od 1.1.do 30.06. 2018. godine, uglavnom nakon ranije najavljenog opravdanog odsustva, sjednicama Vijeća nisu prisustvovali slijedeći vijećnici:

|     |                  |                   |
|-----|------------------|-------------------|
| 1.  | Jupić Mirano     | 3 sjednica Vijeća |
| 2.  | Omić Mirsad      | 3 sjednice Vijeća |
| 3.  | Hasanbašić Senad | 1 sjednica Vijeća |
| 4.  | Pilav Elvir      | 1 sjednica Vijeća |
| 5.  | Mahmutović Edin  | 1 sjednica Vijeća |
| 6.  | Kotorić Esmir    | 1 sjednica Vijeća |
| 7.  | Hrvić Vahdet     | 1 sjednice Vijeća |
| 8.  | Hodžić Sadina    | 1 sjednica Vijeća |
| 9.  | Deljković Nermin | 1 sjednica Vijeća |
| 10. | Klepić Šemsudin  | 1 sjednica Vijeća |

## **OSTALO**

Općinsko vijeće Tešanj je u periodu 1.1. – 30.06.2018. godine radilo u redovnim javnim zasjedanjima. Održano je ukupno 6 sjednica, od kojih su 2 bile tematske. Sjednice Vijeća u izvještajnom periodu trajale su u prosjeku oko 4 sata.

Na dnevnom redu sjednica Vijeća bilo je 65 tačaka, od čega su 37 ili 57 % bile predviđene Programom rada Vijeća za 2018. godinu. Ostalih tačaka 28 ili 43 % bile su tekuće aktivnosti nastale kao posljedica zahtjeva građana, poslovnog svijeta i drugih subjekata pred administracijom. U prosjeku je bilo po 10 tačaka dnevnog reda po jednoj sjednici. Većina Odluka, izvještaja i informacija koje su planirane Programom rada Vijeća za 2018. godinu su realizovane.

### **Osnovne tematske odluke predviđene Programom rada koje je Vijeće u izvještajnom periodu donijelo**

- Odluka o izmjenama i dopunama Poslovnika o radu Općinskog vijeća Tešanj
- Odluka o usvajanju planova potencijalnih projekata javno-privatnog partnerstva
- Odluka o pristupanju izradi Zoning plana "Poslovna zona Ljetinić" Tešanj
- Odluka o visini prosječne konačne građevinske cijene na području općine Tešanj za 2017. godinu
- Odluka o usvajanju Plana kapitalnih investicija za budžetsku 2018.godinu (sa planom kandidovanih investicija za 2019 i 2020) 1+2
- Odluka o usvajanju Programa novčanih podsticaja za unaprjeđenje poljoprivredne proizvodnje na području općina Tešanj u 2018. godini
- Odluka o utvrđivanju javnog interesa za izgradnju sportske dvorane Jelah

### **Osnovne tematske odluke koje nisu bile predviđene Programom rada za 2018.godinu (nastale kao posljedica zahtjeva građana, poslovnog svijeta i drugih subjekata pred administracijom), koje je Vijeće u izvještajnom periodu donijelo:**

- Odluka o prodaji parcele oznake k.p. br. 1897/3 za k.o. Trepče
- Odluka o davanju saglasnosti za dodjelu koncesije
- Odluka o gubitku statusa Javnog dobra-put u Miljanovcima
- Odluka o prodaji nekretnine radi oblikovanja parcele u Miljanovcima.
- Odluka o gubitku statusa Javnog dobra-puta zv."Gobelja"
- Odluka neposrednom pogodbom zv"Gobelja"
- Odluka o gubitku statusa Javnog dobra-put zv.Ošljak
- Odluka o prodaji zemljišta neposrednom pogodbom zv. "Ošljak"
- Odluka o izmjenama i dopunama Odluke o organizaciji i sigurnosti saobraćaja na cestama
- Odluka o provođenju izmjene i dopune urbanističkog projekta „Tešanj-Centar“ Tešanj
- Odluka o uspostavljanju "Građanskog sata sa vijećnicima"
- Odluka o utvrđivanju uslova i kriterija za izbor i imenovanje članova radnih tijela Općinskog vijeća
- Odluka o izmjenama i dopunama Kodeksa ponašanja vijećnika u Općinskom vijeću Tešanj
- Odluka o gubitku statusa Javnog dobra-put upisanog u k.o. Trepče
- Odluka o prodaji nekretnine radi oblikovanja parcele u Trepču
- Odluka o davanju saglasnosti za zamjenu nekretnina u Ljetiniću
- Odluka o davanju saglasnosti za prenos prava na nekretnini u Jelahu
- Odluka o odobravanju raspisivanja Javnog konkursa za parcelu broj: 527/3 u Zoning Planu „Glinište“ Tešanj
- Odluka o odobravanju raspisivanja Javnog konkursa za parcelu broj: 5/12 u Poslovnoj zoni Bukva
- Izmjena i dopuna Budžeta Općine Tešanj za 2018. godinu
- Odluka o zonama sanitarne zaštite i zaštitnim mjerama za izvorište Kraševo, općina Tešanj
- Odluka o zaštitnim zonama i zaštitnim mjerama za izvorišta na lokalitetu "Cerik" Karadaglije

- Odluka o raspisivanju Javnog konkursa za parcele broj 1616/10 u Medakovu
- Odluka o izmjeni i dopuni Odluke o usvajanju i provođenju Zoning plana „Poslovna zona Glinište“ Tešanj

Aktivnosti Općinskog vijeća zasnivale su se na zadacima utvrđenim Programom rada Vijeća za 2018. godinu. U pripremi sjednica Općinskog vijeća redovno su održavani sastanci Kolegija Vijeća. Ovakav način rada je doprinio da se na kvalitetniji način planiraju teme za svaku od sjednica Vijeća, obavi rasprava o pojedinim pitanjima i usaglasi dnevni red sjednice čije se održavanje planiralo.

Materijali su u izvještajnom periodu uglavnom dostavljani najmanje 7 dana prije održavanja sjednice, čime je redovno poštovana procedura predviđena Poslovníkom o radu Vijeća.

Cjelokupan radni materijal planiran za sjednice Vijeća, poslije sjednice Kolegija objavljuje se na zvaničnoj web strani Općine. Ovim činom sav materijal činimo dostupnim svim građanima sa ciljem da do početka sjednice preko vijećnika mogu reagovati svojim primjedbama na svaki od predloženih dokumenata.

Na 15.sjednici koja je održana 31.01.2018.godine usvojen je Prijedlog Odluke o izmjenama i dopunama Poslovníka o radu Općinskog vijeća Tešanj uz Amandmane Kolegija Vijeća.

Na istoj sjednici podnesena su i 2 amandmana na Prijedlog Odluke o usvajanju Plana kapitalnih investicija za budžetsku 2018.godinu (sa planom kandidovanih investicija za 2019 i 2020) 1+2 (Klubovi vijećnika SDP i S BiH).

Vijećnici su u svom radu postavili 21 vijećničko pitanje i 15 inicijativa na koje je odgovoreno, uglavnom do naredne sjednice Vijeća.

Sjednicama Vijeća su u svojstvu gosta redovno pozivani: poslanici u državnom parlamentu i kantonalnoj skupštini s područja općine, OSCE, kao i predstavnici javnih preduzeća i ustanova, i drugi, kada je razmatrana određena problematika vezana za navedene institucije.

## **EDUKACIJA VIJEĆNIKA**

Shodno izmjenama i dopunama Poslovníka o radu Općinskog vijeća, Kolegij je usaglašavao stavove i teme za edukaciju vijećnika.

**U izvještajnom periodu od 01.01. do 30.06.2018.godine realizovane su četiri obuke/radionice za vijećnike i odjel Stručne službe.**

### **Tabelarni prikaz realizovanih obuka:**

|   | <b>Tema</b>  | <b>Predavač</b>                           | <b>Datum održavanja</b> | <b>Broj učesnika</b> |
|---|--|---|-------------------------|----------------------|
| 1 | Uloga organizacije civilnog društva i transparentna dodjela sredstava iz općinskih budžeta | G-đa Uma Isić<br>– Savez općina i gradova | 17.04.2018.             | 4                    |
|   |  |   |                         |                      |

|   |   |  |             |    |
|---|---|--|-------------|----|
| 2 | Građansko učešće u procesima donošenja odluka i poboljšanja usluga u svim partnerskim jedinicama lokalne samouprave (JLS) u skladu sa indikatorima i skalom za procjenu učinka koju je razvio Projekat opštinskog okolišnog i ekonomskog upravljanja (MEG). | Marko Martić - konsultant                                    | 22.05.2018. | 6  |
| 3 | Organizacija obavljanje vodnih usluga na nivou jedinica lokalne samouprave  | Sandi Zulić i Nejra Beganović<br>Una Consulting d.o.o. Bihać | 28.05.2018. | 21 |
| 4 | Jačanje kapaciteta i učinkovitosti Općinskog vijeća u okviru Projekta opštinskog okolišnog i ekonomskog upravljanja (MEG) – 2. faza   | Snežana Dačić, konsultantica                                 | 12.06.2018. | 9  |

Prva Obuka za općinske vijećnike o ulozi organizacije civilnog društva i transparentnoj dodjeli sredstava iz općinskih budžeta održana 17.04.2018.godine. Ciljevi obuke su bili prepoznati ulogu organizacija civilnog društva (OCD) i njihov konkretan doprinos u lokalnom razvoju; Prepoznati prednosti transparentnog finansiranja OCD iz općinskog budžeta; Prepoznati ulogu općinskih vijeća i vlastitu ulogu u planiranju i dodjeli sredstava OCD. Praktična obuka o ulozi OCD u razvojnim procesima na lokalnom nivou i prednostima transparentne dodjele javnih sredstava u skladu sa LOD metodologijom. Obuka je uključila kombinaciju teorijskog (izlaganja i prezentacije) i praktičnog pristupa (primjeri iz prakse) te plenarnog, individualnog i grupnog rada. Edukator Saveza općina i gradova Federacije Bosne i Hercegovine je bila Uma Isić.

Dana 22.05.2018.godine konsultant UNDP za projekat MEG, Marko Martić je dao tehničku podršku našoj jedinici lokalne samouprave u oblasti građanskog učešća – faza II. Protokol radionice je sadržavao Identifikovanje (kritičnih) područja i mogućnosti za daljnje unapređenje mehanizama građanskog učešća, specifični cilj je bio: Postići održiv i mjerljiv napredak u području građanskog učešća i u procesima donošenja odluka i poboljšanja usluga u svim partnerskim jedinicama lokalne samouprave (JLS) u skladu sa indikatorima i skalom za procjenu učinka koju je razvio Projekat opštinskog okolišnog i ekonomskog upravljanja (MEG). Očekivani rezultat obuke je bio da predstavnici JLS, predstavnici OV, predstavnici MZ i organizacija civilnog društva unaprijede vještine, modalitete i podzakonske akte i praksu jedinici lokalne samouprave (JLS), koja će doprinijeti boljoj uključenosti građana u proces donošenja odluka, te izradi i primjeni strateških dokumenata JLS, posebno u vezi sa indikatorima okvira za dobru upravu MEG projekta i grant indikatorima u odnosu na prethodnu evaluaciju. Teme radionice su bile: Predstavljanje druge faze tehničke podrške s posebnim osvrtom na Sistem za upravljanje rezultatima u JLS - SUR (svrha i pregled planiranih aktivnosti); Osvrt na rezultate ispitivanja zadovoljstva građana, sprovedenu evaluaciju i ocjenu prema utvrđenoj SUR skali učinka; Predstavljanje relevantnih grant indikatora novog ciklusa i identifikovanje (kritičnih) područja i mogućnosti za daljnje unapređenje mehanizama građanskog učešća.

Treća radionica, na kojoj je bilo najveće prisustvo vijećnika je održana 28.05.2018. godine na temu Organizacija obavljanje vodnih usluga na nivou jedinica lokalne samouprave Prema listi učesnika, na obuci je prisustvovao 21 učesnik: Načelnik Općine Tešanj, Vijećnici Općine Tešanj, Predstavnici resornih

službi Općine Tešanj, Članovi Nadzornog odbora JKP "Rad" d.d. Tešanj, Direktor JKP "Rad" d.d. Tešanj, Članovi Uprave JKP "Rad" d.d. Tešanj.

Radionicu proveli: Sandi Zulić, Una Consulting d.o.o. Bihać Nejra Beganović, Una Consulting d.o.o. Bihać Obuka je realizirana sa ciljem povećanja zajedničkog razumijevanja svih učesnika o načinu organiziranja i obavljanja vodnih usluga na nivou jedinica lokalne samouprave čime bi se unaprijedila saradnja, komunikacija i koordinacija između JLS i JKP/JVP.

Nakon provedene obuke definirani su sljedeći zaključci:

Konsultant će pripremiti izvještaj o provedenoj obuci koji će dostaviti predsjedavajućem općinskog vijeća općine Tešanj koji će izvještaj prezentirati svim vijećnicima na jednoj od narednih sjednica općinskog vijeća. Provedena obuka je bila vrlo korisna za vijećnike i potrebno je nastaviti praksu obučavanja izabranih zvaničnika kroz projekat MEG.

Potrebno je da Općina Tešanj prema postojećim zakonskim i pod-zakonskim propisima provede funkcionalnu analizu rada općinskog organa po pitanju svoje nadležnosti i organizacije obavljanja vodnih usluga na svom teritoriju i prema tome unaprijedi svoju postojeću organizaciju i sistematizaciju radnih mjesta.

Neophodno je da se na nivou općine Tešanj imenuje odgovorna osoba čiji će zadatak biti praćenje nivoa izvršenja obaveza i odgovornosti općine Tešanj vezanih za komunalne vodne usluge koje su u njenoj izravnoj nadležnosti, praćenje izvršenja Ugovora o javnim vodnim uslugama, kao i redovno praćenje poslovanja JKP "Rad" d.d. Tešanj, te osiguranje kontinuirane suradnje sa istim.

Služba za komunalne djelatnosti općine Tešanj saradnji sa Upravom JKP "Rad" d.d. Tešanj treba da pripremi izvještaj o realizaciji Ugovora o pružanju javnih vodnih usluga (PSA), te isti prezentira općinskom vijeću općine Tešanj.

JKP "Rad" d.d. Tešanj saradnji sa nadležnom općinskom službom za komunalne djelatnosti treba do kraja godine da prezentira općinskom vijeću općine Tešanj izračun cijena vodnih usluga prema ranije prezentiranoj tarifnoj metodologiji.

Četvrtom obukom, koju je provela konsultantica Snežana Dačić 12.06.2018.godine, pružena je tehničke podrške našoj jedinici lokalne samouprave u oblasti jačanja kapaciteta i učinkovitosti Općinskog vijeća u okviru Projekta opštinskog okolišnog i ekonomskog upravljanja (MEG) – 2. faza

Na obuci je izvršeno identifikovanje područja i mogućnosti za daljnje poboljšanje kapaciteta i učinkovitosti OV; a tema je bila korištenje mehanizama za komunikaciju sa građanima i učešću građana u donošenju odluka i praćenje rada javnih poduzeća i ustanova.

Cilj obuke je bio: Provjeriti rezultate učinjenog napretka u odnosu na SUR podindikatora i grant indikatore, koji se tiču komunikacije sa građanima, definisati potrebna dalja unapređenja komunikacije vijećnika sa građanima, prema potrebama OV Tešanj, primjena mehanizama komunikacije sa građanima i učešća građana u donošenju odluka; vođenje evidencije o formalnoj komunikaciji/ i prijedlozima građana;

## **GRAĐANSKI SAT SA VIJEĆNICIMA I UČEŠĆE GRAĐANA U DONOŠENJU ODLUKA**

U proteklom period evidentirano je 12 sastanaka na Građanskom satu sa vijećnicima.

Građani su se obraćali po pitanju rješavanja imovinsko pravnih odnosa, kupovina zemljišta, ispravka upisa parcele, promjena naziva ulica, finansijska pomoć za troškove gostovanja KUD-a u inostranstvu i sl.

Zahtjevi građana su upućivani u procedure rješavanja kod nadležnih službi ili im je odmah na sastanku dato pojašnjenje i prijedlog za rješavanje. S obzirom da nije bilo najava i posebnih prijava za sastanak sa određenim vijećnicima sve građane je primio i sa njima održao sastanke Predsjedavajući vijeća.

**Općinsko vijeće Tešanj je na svojoj 15. sjednici održanoj 31.01.2018.godine, razmatrajući Izvještaj o radu Općinskog vijeća za period od 01.01. do 31.12.2017. godine i analizu mjerenja zadovoljstva korisnika usluga, ankete koja je provedena u decembru 2017.godine,** s obzirom da 76% ispitanika nije bilo poznato sa građanskim satom, usvojilo

Zaključak 1 : "Da se na početnoj općinskoj Web stranici postavi baner sa informacijom kada je Građanski sat sa vijećnicima" koji je u izvještajnom period realizovan.

Zaključak II: "Općinsko Vijeće će u 2018.godini poduzeti sljedeće mjere poboljšanja u radu Općinskog vijeća i vijećnika:

1. Povećati komunikaciju – sastanci sa građanima, udruženjima, privrednicima (konferencija).
2. Prezentacija rezultata rada OV i radnih tijela OV (putem medija, letaka i slično)
3. Obuke vijećnika i članova radnih tijela.
4. Dodatna promocija građanskog sata.

Zadužuje se Predsjedavajući vijeća i Kolegij da u saradnji sa Općinskim načelnikom i nadležnom službom u toku 2018.godine provedu aktivnosti na ispunjenju zaključka i da o rezultatima informišu Općinsko vijeće.", se realizacije.

- U toku je dogovor o terminu održavanja sastanaka sa privrednicima i udruženjima.
- Dodatna promocija Građanskog sata sa vijećnicima je izvršena kroz objavu na web stranici općine, u Biltenu i putem mjesnih zajednica,
- a s obzirom da je 45 % ispitanika – ankete provedene u 2017.godini odgovorilo da ne zna ko su vijećnici u OV, u Biltenu Općine su objavljene i fotografije vijećnika.

#### **Po inicijativi neformalne grupe građana demobilisanih veterana, a po zahtjevu vijećnika Općinskog vijeća koji je podnio Klub vijećnika SDP dana 13.04.2018.godine održana je tematska sjednica.**

Sjednici su prisustvovali: Predstavnic Inicijativnog odbora neformalne grupe demobilisanih veterana: Dubravac Hamdija, Hamza Krkalić, Edin Barjaktarević i Amir Ahmetagić.

Predstavnic Organizacije ratnih vojnih invalida Tešanj: Muharem Sejdić, Jusuf Rakman i Enes Kruško.

Predstavnic Upravnog odbora Organizacije porodica šehida i poginulih boraca Tešanj: Nura Mehić i Velida Ibrahimović.

Predstavnic Udruženja dobitnika najvećih ratnih priznanja „7 jug“ Tešanj: Esmir Subašić i Hasan Handžić.

Predstavnic Jedinственe organizacije boraca, unija veterana Tešanj: Adem Mahalbašić i Izudin Handžić, i Općinski načelnik Huskić Suad sa pomoćnikom za boračko-invalidsku zaštitu Omerbašić Sabahudinom.

Svi gosti su pravovremeno najavili prisustvo sjednici.

Sjednica je trajala od 14,00 do 18,55 sati. Na dnevnom redu je bila Informacija o ostvarivanju prava boračkih populacija putem Službe za boračko-invalidsku zaštitu i Izjašnjavanje Općinskog vijeća Tešanj o prijedlogu zaključaka podnosioca inicijative za tematsku sjednicu. Nakon provedenih diskusija vijećnika i prisutnih Općinsko vijeće je usvojilo pet zaključaka.

#### **U izvještajnom period na 15.sjednici održanoj 31.01.2018.godine Općinsko vijeće je usvojilo **Prijedlog Odluke o usvajanju Plana kapitalnih investicija za budžetsku 2018.godinu (sa planom kandidovanih investicija za 2019 i 2020) 1+2.****

U izradi Plana kapitalnih investicija primijenjen je temeljni princip iz Odluke Općinskog vijeća o načinu raspodjele budžetskih i drugih sredstava za dugoročnu podršku realizaciji kapitalnih projekata, koji se odnosi na raspored sredstava na projekte po mjesnim sredinama proporcionalno broju stanovnika u svakoj sredini od ukupne sume sredstava namijenjenih za projekte u mjesnim sredinama.

Izrada Plana počela je u oktobru 2017.godine. Mjesne zajednice (svih 25) su pozvane na kandidature i dostavu prijedloga prioriteta. U određivanju prioriteta učestvuju građani svih mjesnih zajednica, Savjeti i Skupštine. Većina prioriternih prijedloga je uvažena, i u svakoj mjesnoj zajednici se realizuju projekti. Plan kapitalnih investicija je rađen na principu 1+2 godine. Mjesne zajednice su dostavile prioritete za 2019. i 2020. godinu.

#### **JAVNOST RADA**

Rad svih sjednica Vijeća bio je javan. Sjednicama su redovno prisustvovali i mediji (TV "Smart" Tešanj). Sjednice su emitovane u jasno definisanom terminu, prva subota nakon održavanja sjednice sa početkom u 21,00 sati i nedjelja u 14,00 sati u programu TV "Smart" Tešanj i najkasnije u roku od tri dana na NTV "Amna" Tešanj. Građanima općine bilo je omogućeno televizijsko praćenje sjednica Vijeća, te kraće reportaže putem TV "Smart" Tešanj (Tešanjaska hronika) i lokalnih radio stanica. Također, rad Vijeća redovno je predstavljan na web stranici Općine Tešanj i Tešanjskom biltenu, te na druge načine (facebook stranici i aplikacije za mobilne telefone). Konačni akti redovno su objavljivani u "Službenom glasniku Općine Tešanj", koji su građanima dostupni i na web stranici Općine Tešanj.

## RADNA TIJELA VIJEĆA

Za pripremanje i razmatranje prijedloga odluka i drugih akata i za praćenje i proučavanje drugih akata iz nadležnosti Vijeća, u Vijeću se obrazuju stalna radna tijela. U izvještajnom periodu održano je 10 sastanaka stalnih radnih tijela, s tim da Komisija za primjenu Kodeksa ponašanja vijećnika, Komisija za Budžet, Komisija za zaštitu čovjekove okoline i Mandatno – imunitetska komisija nisu održale ni jedan sastanak.

- Statutarno-pravna komisija je u izvještajnom periodu Vijeću podnijela prijedlog Odluke o izmjenama i dopunama Kodeksa ponašanja vijećnika u Općinskom vijeću Tešanj koji je usvojen.
- Zakonodavno pravna komisija je uradila prečišćeni tekst Odluke o komunalnom redu i sanitarnom minimumu i prečišćeni tekst Poslovnika o radu Općinskog vijeća Tešanj. Podnijela je dvije inicijative na Odluku o komunalnom redu i sanitarnom minimumu i nakon dostave Mišljenja Općinskog načelnika Komisija nije komentarisala niti se izjasnila da ostaje pri inicijativi zbog čega se smatra da odustaje od iste.
- Komisija za pitanja mladih je podnijela inicijativu: „Da se za učenike osnovnih i srednjih škola uvede kartica povlastica koja bi obuhvatila kreiranje liste povlastica za učenike osnovnih i srednjih škola za aktivnosti koje su u organizaciji Općine Tešanj, Javnih institucija čiji je osnivač Općine Tešanj (CKO, Biblioteka, Muzej SRC) i svi događaji u organizaciji sportskih i drugih udruženja koja se finansiraju iz budžeta Općine Tešanj.“ Inicijativa dostavljena Općinskom načelniku, čeka se mišljenje.

U izvještajnom periodu održano je 10 sastanaka stalnih radnih tijela.

| R.br. | RADNA TIJELA   | Broj sastanaka od 1.1.-30.06.2018. |
|-------|--|------------------------------------|
| 1.    | Komisija za ravnopravnost polova   | 2 sastanka                         |
| 2.    | Komisija za izbor i imenovanje   | 2 sastanka                         |
| 3.    | Komisija za predstavke i prijedloge                                      | 2 sastanka                         |
| 4.    | Zakonodavno-pravna komisija  | 1 sastanak                         |
| 5.    | Komisija za pitanja mladih   | 1 sastanak                         |
| 6.    | Statutarno-pravna komisija   | 1 sastanak                         |
| 7.    | Komisija za monitoring nad realizacijom Strategije razvoja općine Tešanj | 1 sastanak                         |
| 8.    | Komisija za budžet   | Nije imala ni jedan sastanak       |
| 09.   | Mandatno – imunitetska komisija  | Nije imala ni jedan sastanak       |
| 10.   | Komisija za primjenu Kodeksa ponašanja vijećnika                         | Nije imala ni jedan sastanak       |
| 11.   | Komisija za zaštitu čovjekove sredine                                    | Nije imala ni jedan sastanak       |

S obzirom da je na 15.sjednici usvojena Odluka o izmjenama i dopunama Poslovnika o radu Općinskog vijeća, a izmjene i dopune se odnose i na strukturu, obaveze i sastav radnih tijela, u izvještajnom periodu imenovana je nova Komisija za izbor i imenovanje i na njen prijedlog usvojena Odluka o utvrđivanju uslova i kriterija za izbor i imenovanje članova radnih tijela Općinskog vijeća Tešanj. U pripremi je raspisivanje javnog konkursa za izbor i imenovanje novih radnih tijela Općinskog vijeća.

Neke od značajnijih izmjena i dopuna Poslovnika o radu Općinskog vijeća vezano za stalna radna tijela koje treba pomenuti su:



Član 22. (1) Izbor članova stalnih radnih tijela vrši se u skladu sa posebnom odlukom o kriterijima za izbor i imenovanje koju donosi Vijeće, na prijedlog Komisije za izbor i imenovanje.

(2) Opći uslovi za izbor članova radnih tijela u Odluci o kriterijima sadržavat će odredbe po kojima će se angažovanje lica u radnim tijelima dodijeli stručnim i uglednim građanima, s tim da pri izboru članova kod jednako rangiranih kandidata, prednost imaju pripadnici manje zastupljenog pola, pripadnici nevladinog sektora i marginaliziranih grupa (nacionalne manjine, lica sa invaliditetom, povratnici).

Član 24. (1) Kriteriji za izbor i imenovanje članova radnih tijela ne odnose se na izbor članova Komisije za izbor i imenovanje.

(2) Komisija za izbor i imenovanja bira Vijeće iz reda vijećnika, na prijedlog predsjedavajućeg Vijeća.

Član 29. Vijeće osniva komisije kao stalna radna tijela:

- a) Statutarno – pravna komisija,
- b) Komisija za praćenje primjene kodeksa ponašanja vijećnika i javnosti rada Vijeća,
- c) Komisija za izbor i imenovanja,
- d) Komisija za pitanja mladih i ravnopravnost polova,
- e) Komisija za zaštitu čovjekove okoline,
- f) Komisija za monitoring nad realizacijom Strategije razvoja Općine Tešanj
- g) Komisija za budžet.

### **REALIZACIJA ZAKLJUČAKA**

Uvidom u hronološki registar propisa objavljenih u "Službenom glasniku Općine Tešanj" u izvještajnom periodu, može se konstatovati da je zaključke donesene od strane Općinskog vijeća Općinski načelnik i administracija uglavnom i realizirala u predviđenom roku, a da je u toku realizacija preostalih zaključaka.

Informacija o realizaciji odluka, rješenja i zaključaka Općinskog vijeća poslije svake održane sjednice se redovno dostavlja vijećnicima i objavljuje na web stranici Općine uz materijale za novu sjednicu.

### **ZAKLJUČCI**

- a. Kada se ima u vidu ukupna realizacija planskih i vanrednih aktivnosti, može se konstatovati da je Općinsko vijeće u periodu 01.01. – 30.06.2018. godine uspješno realizovalo svoju ulogu.
- b. Većina odluka je usvojena jednoglasno.
- c. Aktivnost Vijeća se ogleda i kroz podnesena 59 dopisa (amandmani, vijećnička pitanja i inicijative) i usvojenih 79 akata koji su upućeni Općinskom načelniku i administraciji na realizaciju, od kojih je većina realizovana. Informacija o realizaciji odluka, rješenja i zaključaka Općinskog vijeća je redovno dostavljana u i objavljuvana na web stranici Općine u materijalima za svaku sjednicu.
- d. U cilju transparentnosti rada ovaj Izvještaj će biti objavljen na zvaničnoj web stranici Općine Tešanj i jednim dijelom u narednom broju Biltena, te tako dati priliku i građanima da se upoznaju i putem ove zbirne informacije o radu Općinskog vijeća Tešanj.



**PREDSJEDAVAJUĆI VIJEĆA**

**Senad Subašić, dipl.oec.**